

AU TAUMAFAI

2017



'Mo Keriso ma le Ekalesia'

Ekalesia Faapotofofa Kerisiano i Amerika Samoa, 2017

Mai le Komiti,

I le suafa pele o Iesu Keriso le Ao o le Au Taumafai e au alofa ma e fa'afeiloa'i atu ai i Au Taumafai uma a le EFKAS. Malo le Folau! Tatou aulia mai fo'i lenei tausaga fou 2017. Taofi e lē ese so outou finagalo mase lagona, e faasili pea le viiga o le Atua.

E manatua pea le tuana'i, ma ē sa tautigā, pei o le fa'amoemoe o le alii o *Francis E. Symmes*, ina ia susulu pea le lamepa o le 'ola taumafai' i le soifua tapua'i o lana ekalesia fa'atuatua. Ma ua avea ai le aso lua o Fepuari i tausaga taitasi, e fai ma ona aso fa'amanatu.

O le Tusi Failotu lenā, o se galuega tele sa galue ai le susuga i le Toeaina Malaki Muaiava o Wainuiomata (NZ), e fai ma sui o le mafutaga. Malo galue! Ua na o se ta'iala, ma le fa'amoemoe i le Agaga Paia o le Atua, o le a to pule le Atua o manatu e fa'atupu tele lenei feau e su'esu'e atili i le Tusi Paia. Fa'afetai fo'i i le Ekalesia i lou ma'au, ma au faiga taulaga. E leai se mea o natia i le Atua. Ia alofa le Atua, fa'apaia ma fa'amanuia. Folau ia i lagi mā le Ekalesia ma lana Au Taumafai i le nei tausaga fou 2017.

Ia iā te outou le filemu ma le manuia o le Atua soifua, e ou le Au Taumafai.

Faaeteete Saifoloi, FT
Mo le Komiti
Mafutaga Au Taumafai - EFKAS

FAASINOMAGA O LE TUSI

Masina	Manatu Autu	Itulau
Ianuari		
1	O Iesu, o le malamalama o le lalolagi	1
8	O Iesu, le upu o le ola	1
15	O le Mesia, e malamalama ai nuu ese	1
22	Fai oe ma lamepa susulu malosi	2
29	Faataitaiga lelei	2
Fepuari		
5	Alofa ua faatino	3
12	Tatou soifua ma ola i se lalolagi o fa'aosoosoga	3
19	E lē tofotofoina le Atua	3
26	Meaai fa'aletino ma meaai fa'aleagaga	4
Mati		
5	Fa'amaoni i le Anapogi	4
12	Avea oe ma tagata atamai	5
19	Ia tau o Iesu e naunau ai	5
26	E tu'uavanoa le Atua	5
Aperila		
2	O lo'o faatali le Atua mo oe ma a'u	6
9	O le Mesia puapuagatia	6
16	O le Alii toetu	6
23	Toe fa'amanatu	7
30	Ia maua'a le fa'atuatua	7
Me		
7	O Iesu le faifaiva poto	8
14	Filifili le mea e silisili atu	8
21	O le Afio a'e	8
28	E iai lo tatou fa'amoemoe	9

Iuni		
4	O le auina mai o le Agaga Paia	9
11	Ua valaauina i tatou e fai ma so'o	10
18	O le Agaga Paia mo tagata uma	10
25	O le Tala lelei – o le tala i le ola	10
Iulai		
2	Ave lou ola mo le Alii	11
9	E mai le Atua lo tatou valaauina	11
16	Filifiliga atamai	12
23	Aua nei faoa e le oa le soifua tapua'i	12
30	Ave le amo a Iesu	12
Aukuso		
6	Ia fai ma auuuna	13
13	Aua le ola fa'atusatusa	13
20	Aua le fa'afiaamionu	13
27	E fa'aalia i le lagi le matautia o le Atua	14
Setema		
3	Tala lelei mo tagata uma	14
10	Fesili i le Atua e ala i le tatalo	15
17	Aua le gaupule	15
24	E fa'afofogaina e le Atua le tatalo ma le loto atoa	15
Oketopa		
1	E i'uvale le lē fa'alogo	16
8	O le fanau o le tau'i lea mai le Alii	16
15	Ia iloa taumafa o le Agaga	17
22	Ola fealofani	17
29	Ia fa'amaoni le alofa, ona nanea lea o le taulaga fai	17
Novema		
5	Ua na o Iesu le tali i so'o se fa'afitauli	18
12	E ofoofogia le Atua	18

19	O le Atua o le atamai	19
26	Ua iā te i tatou le Atua	19

Tesema

3	E lē fa'atauva'a Peteleema	19
10	O le mālō le Atua	20
17	O Iesu le Fa'aolataga	20
24	O le agaga fa'afetai	20
31	O le Tupu o Tupu ma le Alii o Alii	21

TA'UTINOGA AU TAUMAFAI

Ua ou fa'amoemoe i le fa'amalosi mai o Iesu Keriso ia te a'u. O lenei, ou te ta'utino i le Ali'i, o le a ou taumafai ona fai o mea uma e tusa ma Lona finagalo. O le a ou faia ma tulafono o lo'u ola;

Ou te tatalo ia te Ia i aso uma.

Ou te faitau i lana Afioga i aso uma.

Ou te 'alo 'ese i inuga 'ava o'ona i aso uma lava.

Ou te lagolago i galuega ma tapua'iga a le Ekalesia i so'o se ala ou te mafai ona ou faia.

Ma, i lo'u olaga atoa, o le ā ou taumafai i lo'u iloa atoatoa, ona ola i le soifuaga Kerisiano mo Keriso.

Amene.

IANUARI

Aso Sa - Ianuari 1, 2017 (Faafouina)

Tusi Faitau—Mataio 2: 1–6

‘Autū - “O Iesu, o le Malamalama o le lalolagi”. (Jesus is the Light of the world)

Matua - “...auā ua matou iloa lona fetū i sasa’e; ‘ua matou o mai ai ‘e ifo atu ia te Ia”. (f3)

1. Ua susulu mai le malamalama i le pouliuli
2. E manuia le tagata e savali i le malamalama o le Alií
3. E le’i mafaia e le oti ona tineia le malamalama o le ola.
4. **MO TUPULAGA TALAVOU** - O fa’apefea mai lou fai ma malamalama?

Aso Sa - Ianuari 8, 2017

Tusi Faitau - 1 Ioane 1:1-4

‘Autū - “O Iesu le ‘Upu o le ola”. (Jesus, is the Living Word)

Matua: “O le mea sa iai talu le ‘amataga, na matou fa’alogologo ‘iai, na matou va’ava’ai atu ‘iai o matou mata, na tagotago fo’i ō matou lima i le upu o le ola. (f1)

1. Sa i le amataga le Upu; sa i le Atua le Upu; o le Atua fo’i le Upu
2. O Keriso Iesu le tino mai ‘o le ‘Upu.
3. O le tagata e fa’alogo i le ‘Upu, e maua e ia le ola
4. **MO TUPULAGA TALAVOU**— ‘O ‘e tausisi ea i le Upu o le ola?

Aso Sa - Ianuari 15, 2017

Tusi Faitau: Isaia 49: 1 - 7

‘Autū - “O le Mesia e malamalama ai nu’u ese”. (The Messiah, is the Light of the Gentiles).

Matua - “...ua ‘ou ‘avatu foi ‘oe e fai ma malamalama ‘o nu’u ‘ese, ‘e fai ma ‘u fa’aolatoga ia o’o i tulu’iga o le lalolagi. (f6)



1. E lē faapito le Mesia i se tagata, lanu ma gagana.
2. E tosina atu le lalolagi i le malamalama o le Mesia valoia.
3. Ua vala’auina i ta’ua i lea lava malamalama
4. **MO TUPULAGA TALAVOU** - O le faia o amioga lelei, o le savali lea i le malamalama ‘o le Ali’i.

Aso Sa - Ianuari 22, 2017

Tusi Faitau: Isaia 60: 1 - 7

‘Autū: “Fai ‘oe ma lāmepa susulu malosī”. (May you be a powerful Lamp)

Matua: “Tūla’i ia, ‘ina malamalama ia, ‘auā ‘ua o’o mai lou malamalama”. (f1)

1. Tutu le lāmepa ma tu’u i luga.
2. Ia tōsina mai nisi i lou pupula.
3. O le agasala e pē ai le lāmepa.
4. **MO TUPULAGA TALAVOU** - O le ola tautua i le Ali’i, o le lāmepa mū tele.

Aso Sa - Ianuari 29, 2017

Tusi Faitau: Teuteuronome 18: 9 - 14

‘Autū: “Fa’ata’ita’iga lelei”. (Good examples)

Matua - ‘Aua ne’i e fa’aa’oa’o ona fai e pei ‘o mea ‘inosia a ia nu’u’. (f9)

1. Alo ese mai le leaga.
2. Ia fai i tatou ma fa’ata’ita’iga lelei.
3. Aua ne’i fefe i le mea sa’o.
4. **MO TUPULAGA TALAVOU** - Aua le tu’inanau i le lalolagi.

FEPUARI

Aso Sa - Fepuari 5, 2017 (Faafouina)

Tusi Faitau: Ioane 4: 7– 21

‘Autū: “Alofa ua fa’atino”. (Love into action)

Matua - ‘O le mea lava lenei, ua fa’aalia mai ai le alofa o le Atua ia te’i tatou, ‘ina ua ‘auina mai e le Atua lona Alo e to’atasi i le lalolagi, ina ia tatou ola ia te ia’. (f9)

1. Aua le alofa tau o le ‘upu ma le gutu.
2. Fa’ailoa atu le alofa o le Atua i tagata.
3. Ua fa’ailoa tino mai le alofa lavea’i o le Atua.
4. **MO TUPULAGA TALAVOU** - Faia ‘o amio lelei, o le alofa lava lea i le Atua.

Aso Sa - Fepuari 12, 2017

Tusi Faitau: Mataio 4: 1 - 11

‘Autū: “Tatou soifua ma ola i se lalolagi o fa’aosoosoga”. (We live in a world of temptations).

Matua: ‘Ona aveina a’e lea o Iesu i le vao e le Agaga, ‘ina ia fa’aosoosoina e le ti’apolo’. (f1)

1. E fa’aeaina le tagata manumālō i fa’aosoosoga.
2. E fa’alumaina le tagata e vaivai i fa’aosoosoga.
3. O fa’aosoosoga, e tofotofoina ai le ola fa’atuatua.
4. **MO TUPULAGA TALAVOU** - Mātaala i le ti’apolo ma ana fa’aosoosoga.

Aso Sa Fepuari 19, 2017

Tusi Faitau: Teuteuronome 6: 10 - 19

‘Autū: “E lē tofotofoina le Atua”. (God, is not to be tested)

Matua - ‘Aua tou te tofotofō i le Ali’i lo ‘outou Atua, fa’apei ona ‘outou tofotofō ia te Ia i Mase’. (f6)

1. E tasi lava le Atua.
2. E lē tofotofō se tasi i le Atua.



3. E tulia le tagata e tofotofa i le Ali'i.
4. **MO TUPULAGA TALAVOU** - 'Aua 'e te tete'e atu i le Atua.

Aso Sa - Fepuari 26, 2017

Tusi Faitau: Teuteuronome 8: 1 - 9

'Autū: - "Mea'ai fa'aletino, ma mea'ai fa'aleagaga". (Physical and Spiritual food).

Matua - '... 'ina ia na fa'aailoa atu ia te 'oe, 'e lē na 'o mea'ai 'e ola ai tagata, a'o mea 'uma e tūlei mai 'i le fofoga o le Ali'i e ola ai tagata'. (f3)

1. Naunau i meaai fa'aleagaga
2. Mālo 'o le Atua, 'e lē 'o mea'ai ma mea inu fa'aletino.
3. O le mea'ai a Iesu, 'o le faia lea o le finagalo a lona Tamā.
4. **MO TUPULAGA TALAVOU** - 'Aua le naunau i mea'ai fa'alelalolagi.

MATI

Aso Sa - Mati 5, 2017 (Faafouina)

Tusi Faitau: Mataio 9: 14 - 17

'Autū: "Fa'amaoni i le 'anapogi". (Be faithful in fasting).

Matua - 'A e o'o mai ona po e 'ave'eseina ai ia te'i latou le fa'atoāfaiāva, 'o latou 'anapopogi ai lea'. (f15)

1. O le 'anapogi o le a'upega fa'aleagaga.
2. E ō fa'atasi le 'anapogi ma le tatalo.
3. E tali le Atua i le 'anapogi fa'amaoni.
4. **MO TUPULAGA TALAVOU**- Sa'ili'ili i le Tamā o le 'anapogi.

Aso Sa - Mati 12, 2017

Tusi Faitau: Luka 15: 11 - 24

'Autū - "Avea 'oe ma tagata atamai". (Be a wise man).

Matua - "O le 'a a'u tula'i ma alu i lou'i tamā, 'oute fai atu ia te ia 'Lo'u Tamā e, 'ua ou agasala i Lē 'oi le lagi atoa ma ou luma". (f18)

1. Vave nei ona 'e atamai ma fo'i i le Alii.
2. Salamō nei manū 'o i ai le avanoa.
3. Aua le ola tu'inanau
4. **MO TUPULAGA TALAVOU**—'Aua le feoa'i ma tagata leaga.

Aso Sa - Mati 19, 2017

Tusi Faitau: Filipi 3:1-11

'Autū: "Ia tau o Iesu e naunau iai". (Make Jesus, the only concern).

Matua - "'Ae peita'i, 'o mea 'uma sa aogā ia te a'u, 'ua 'ou manatu ua lē aogā ia mea 'ona o Keriso". (f7)

1. E lē aogā le lalolagi 'ae maumau ai le ola.
2. E finagalo le Atua i le ola fa'apa'iaina.
3. E iloa le soifua mamā i le amio.
4. **MO TUPULAGA TALAVOU** – Ia fai tātou ma fānau e naunau 'i le Ali'i.

Aso Sa - Mati 26, 2017

Tusi Faitau: Ieremia 7:1-7

'Autū: - "E tu'uavanoa le Atua". (God gives chances).

Matua - '... ia 'outou sāuni lelei 'i ō outou ala ma ā 'outou amio, 'ona 'ou fa'atūmauina ai lea o 'outou i lenei mea". (f3)

1. Liliu nei loa ma fo'i i le Alii.
2. O le taimi ma le tai, 'e lē fa'atali i le tagata.
3. O le Atua, 'o le alofa lava ia.



4. **MO TUPULAGA TALAVOU**—Tu’u ‘ese le agasala, ‘ae fai le amiotonu.

APERILA

Aso Sa - Aperila 2, 2017 (Faafouina)

Tusi Faitau: Sakaria1:1-6

‘Autū: - “O lo’o fa’atali le Atua mo oe ma a’u”. (God is waiting for us).

Matua - “E te fai atu fo’i ia te’i lātou, ‘o lo’o fa’apea ‘ona fetalai mai le Alii o ‘au, ‘ia ‘outou fo’i mai ia te A’u, ‘ona ‘ou fo’i atu ai lea ia te outou”. (f3)

1. E telegese lona to’asā, ‘ae tele lona alofa.
2. O lo’o fa’atali le Atua mo ‘oe ma a’u.
3. Aua ‘e te ola fa’atalatalanoa.
4. **MO TUPULAGA TALAVOU** - Fo’i nei loa i le Atua, se manū ‘o i ai le avanoa.

Aso Sa - Aperila 9, 2017 - Laupama

Tusi Faitau: Isaia 53:1-12

‘Autū: - “O le Mesia puapuagaina”. (The suffering Messiah).

Matua - “E moni ‘ua na tau’ave ō tatou tigā, ma na tau’ave o latou fa’anoanoa...”. (f4)

1. O le Mesia o le Sātauro.
2. Fa’alumaina ‘ina ia maua le ola.
3. Na ‘auina mai ‘e tigāina mo ‘oe ma a’u.
4. **MO TUPULAGA TALAVOU** - ‘Ua ‘outou malamalama i le itū’āiga Mesia lenā tou te mulimuli i ai?

Aso Sa - Aperila 16, 2017 - Toetu

Tusi Faitau: Ioane 20:1-18

‘Autū: - “O le Ali’i toetū”. (The Risen Lord).

Matua - “Ua alu atu Maria le Makatala ‘ua fa’apea atu i le au so’o; ua ‘ou iloa atu le Alii”. (f18)

1. Ua to'ilalo le oti i le ola.
2. O le toetū, ua na aumaia le ola fou.
3. O ē fa'atuatua i le Alii toetū, e maua e ia le manuia
4. **MO TUPULAGA TALAVOU** - O `e lagonaina lou alofa i le Mesia tigaina?

Aso Sa - Aperila 23, 2017.

Tusi Faitau: Ioane 20:19-24

'Autū: - "Toe fa'amautū". (To be assured).

Matua - "Ua ia fetalai atu lea mea, 'ona fa'aali atu lea ia te'i lātou 'o ona lima ma lona itū. 'Ona 'oli'oli ai lea 'o le 'au so'o 'ina ua lātou va'ai atu i le Ali'i". (f20)

1. O A'u lava lenei.
2. O Iesu e te'a ai le fefe.
3. E moni le toetū.
4. **MO TUPULAGA TALAVOU** - 'Ua mautū lou talitonu ia Iesu Toetū?

Aso Sa - Aperila 30, 2017

Tusi Faitau: Ioane 20:25-29

'Autū: - "Ia mau'a le fa'atuatua". (Be steadfast in faith).

Matua - "Ua fetalai atu Iesu ia te ia, 'Toma e, ua e fa'atuatua, 'auā 'ua e va'ai mai ia te A'u? 'Amu'ia o ē lē va'ai, 'ae fa'atuatua mai pea". (f29)

1. O le fa'atuatua, 'o le a'upega fa'aleagaga.
2. A mau'a le fa'atuatua, e mafuli mauga.
3. O le fa'atuatua, o le talitonu lea i mea e lē o va'aia.
4. **MO TUPULAGA TALAVOU** - A fa'atuatua lou loto i le Atua, e faia e Ia mea sili mo 'oe.



ME

Aso Sa - Me 7, 2017 - (Faafouina)

Tusi Faitau: Ioane 21:1-7

‘Autū: - “O Iesu le faifaiva potō”. (Jesus, is the wise fisherman).
“Jesus is the wise fishern”.

Matua - “Ua fetalai atu o Ia ia te’i lātou ‘Inā lafo ia le upega i le itū taumatau o le va’a, ona ‘outou maua ai lea”. ‘Ona lātou lafo ai lea; ‘a ua lē toe mafai e ‘i lātou ‘ona toso a’e, ‘ona o taumafa o ia.”. (f6)

1. E fua tele mai galuega pe ‘a fa’amoemoe i le Ali’i.
2. Aua le fa’amoemoe tasi i lou atamai.
3. E manuia ia Iesu, o tatou faiva.
4. **MO TUPULAGA TALAVOU** - Mātau lelei amioga a le tautai potō.

Aso Sa - Me 14, 2017 - Aso Sa Tinā

Tusi Faitau: Luka 10:38-42

‘Autū: - “Filifili le mea e silisili atu”. (Choose the very best).

Matua - “.... ua filifilia fo’i e Maria lea mea lelei”(f42)

1. E silisili lava le Atua.
2. Aua le pūpū i le lalolagi.
3. Fa’atāua le avanoa.
4. **MO TUPULAGA TALAVOU** - ‘E sesē lau filifiliga pe ‘a ‘e fa’alogo i le leo sesē.

Aso Sa - Me 21, 2017

Tusi Faitau: Galuega 1:6-11

‘Autū: - “O le afio a’e”. “The Ascension”.

Matua - “Ua lātou tulimata’i a’e i le lagi, a’o afio o Ia”. (f10)

1. Ua taunu’u le galuega fa’aola a le Atua mo le lalolagi.



2. Ua afio Keriso i le lagi, ‘ae tu’u mai le galuega fa’aola ia te ‘oe ma a’u.
3. Fa’apei ‘ona si’itia a’e Keriso i le lagi, i le ‘ua fa’apea fo’i i le tagata fa’atuatua fa’amāoni.
4. **MO TUPULAGA TALAVOU** - ‘E lē ‘o ni tagata ‘o le lalolagi i tatou.

Aso Sa - Me 28, 2017

Tusi Faitau: 1Tēsalonia 4: 13 - 18

‘Autū: “E iai lo ta fa’amoemoe”. (We have hope).

“Matua: “Ona fa’afuase’i lea ‘ona ‘aveina a’e i tātou o ē o ola ma totoe, fa’atasi ma ‘i lātou i ao, ‘ina ia fetai’a’i ma le Alii i le vā nimonimo ‘ona tatou fa’atasi pea lava lea ma le Alii.” (f17)

1. E lē se mea fa’alēaogā lou tautigā i le Ali’i.
2. Fīnau ‘ina ia e maua le fa’aeaina.
3. E ilo nei taeao.
4. **MO TUPULAGA TALAVOU** - Tauivi ‘ina ‘ia maua le fa’amoemoe i le malō o le Atua.

IUNI

Aso Sa - Iuni 04, 2017 - Penetekoso (Faafouina)

Tusi Faitau: Galuega 2: 1 - 13

‘Autū: “O le ‘auina mai o le Agaga Pa’ia”. (The coming of the Holy Spirit).

Matua: “Ua fa’atūtumuina fo’i i lātou ‘e le Agaga Pa’ia, ‘ua āfua ai ‘ona tautala i gagana ‘ese’ese”. (f4)

1. O le Agaga Pa’ia, ‘o le Peresona o le Atua.
2. O le Agaga Pa’ia, ‘o lō tatou Fesoasoani sili.
3. O le Agaga Pa’ia, e fa’amālamalamaina le Tusi Pa’ia (Afioa Pa’ia).
4. **MO TUPULAGA TALAVOU** - Fa’alogo manino i le fa’asino mai a le Agaga Pa’ia.

Aso Sa - Iuni 11, 2017

Tusi Faitau: Mataio 28: 16 - 20

'Autū: "Ua vala'auina i tātou e fai ma so'o". (We are called to be disciples).

Matua: "O lenei, 'ia 'outou o atu e fai nu'u 'uma ma so'o, ma papatiso atu iā i lātou i le Suafa o le Tamā, ma le Atali'i, ma le Agaga Pa'ia". (f19)

1. O le so'o moni, e fa'apei o Keriso.
2. O le so'o moni, e savali i ana upu ma ta'utinoga.
3. O le so'o moni, e alofa.
4. **MO TUPULAGA TALAVOU** - Aua ne'i fa'apei i tātou o Toma le so'o masalosalo vale.

Aso Sa - Iuni 18, 2017 - Aso Sa Tamā

Tusi Faitau: Ioelu 2: 28 - 32

'Autū: "O le Agaga Pa'ia, mo tagata 'uma". (The Holy Spirit is for everyone).

Matua: "Ou te liligi ifo fo'i lo'u Agaga i 'au 'auauna ma 'au 'auauna fafine, i ia ona aso". (f29)

1. E lē fa'ailoga tagata le Agaga Pa'ia.
2. Ia tātou 'oli'oli ma fiafia i le mana o le Agaga Pa'ia.
3. E mafai mea uma i le fa'atasi mai o le Mana o le Agaga Pa'ia.
4. **MO TUPULAGA TALAVOU** - O i tātou o tagata o le Agaga.

Aso Sa - Iuni 25, 2017

Tusi Faitau: Isaia 61: 1- 11

'Autū: "O le Talalelei o le Tala lea i le Ola". (Good News, is Life).

Matua: "... 'auā ua fa'au'uina a'u e le Ali'i, e tala'i le Talalelei, i ē ua tigaina". (f1)

1. O le tagata fa'au'uina, e tautala i 'upu e maua ai le ola.

2. O le tagata fa'au'uina, e pa'ia fa'apei o Lē na vala'auina o ia.
3. O le tagata fa'au'uina, o le 'ave fe'au lea o le Talalelei.
4. **MO TUPULAGA TALAVOU** - 'Ia fai i tātou ma ipu o le Talalelei.

IULAI

Aso Sa – Iulai 2, 2017 (Faafouina)

Tusi Faitau: Isaia 6: 1– 8

'Autū: "Ave lou ola mo le Alii". (Surrender yourself for God).

Matua: "Ona 'ou fa'alogo ai lea i le si'ufofoga o le Ali'i, 'ua fa'apea mai. 'O ai 'ea 'ou te 'auina atu? 'O ai fo'i e alu atu mo 'i mātou? 'Ona 'ou fa'apea atu ai lea, 'O a'u lenei, 'inā 'auina atu a'u". (f8)

1. Fai se aogā mo le Ali'i.
2. Fa'alogo po'o le ā le fe'au.
3. Aua le faia lou loto, a'o lona finagalo.
4. **MO TUPULAGA TALAVOU** - Ola tautua mo le Ali'i o le Toetū.

Aso Sa -Iulai 9, 2017

Tusi Faitau: Numerā 27: 12 - 23

'Autū: "E mai le Atua lo tatou vala'auina". (Our call, is from God).

Matua: "Ona fetalai mai ai lea o le Ali'i ia Mose, 'Ia e 'ave ia Iosua le atali'i o Nuno, o le tagata lea o i ai le agaga, ma ia e fa'ae'e lou lima i luga ia te ia". (f18)

1. Tula'i ma tali atu i le vala'au a le Atua.
2. Tu'u atu i le Atua mea 'uma tātou te vaivai ai.
3. Fa'alogo ma le manino i lona fetalai mai
4. **MO TUPULAGA TALAVOU** - 'O 'e lagonaina le vala'au mai a le Ali'i mo oe?

Aso Sa - Iulai 16, 2017

Tusi Faitau: Iosua 24: 14 - 28

'Autū: "Filifiliga atamai". (Wise decision).

Matua: "...inā filifili ia 'outou po'o ai tou te 'auauna i ai...a'o a'u ma lo'u 'āiga mātou te 'auauna i le Ali'i". (f15)

1. Ia sa'o lau filifiliga.
2. Ia filifili fa'atasi ma le Atua.
3. Fa'amuamua le mea e tatau 'ona fa'amuamua.
4. **MO TUPULAGA TALAVOU** - 'O lau filifiliga 'e te manuia ai, e te mālaia ai fo'i

Aso Sa - Iulai 23, 2017

Tusi Faitau: Fa'amasino 8: 22 - 28

'Autū: "Aua ne'i faoa 'e le 'oa le soifua tapua'i". (Worship should not be overruled by prosperity).

Matua: "Ona fai ai lea e Kitiona o le Efota ua tu'u i lana 'a'ai o 'Ofira; ua o' atu ia o 'Isarelu 'uma ma mulilulua ai". (f27)

1. O le tupe o le pogai o mea leaga.
2. E lē alu se tasi ma ana 'oa i le lagi.
3. Aua le fa'atauina le amiotonu i le 'oa.
4. **MO TUPULAGA TALAVOU** - 'O lou fa'amuamua o le 'oa, o lou ifo lava lea i tupua.

Aso Sa - Iulai 30, 2017

Tusi Faitau: Mataio 11: 25 - 30

'Autū: "Ave le amo a Iesu". (Carry Jesus' load).

Matua: "Ia outou amoina la'u amo ma 'ia 'outou fa'aa'oa'o ia te a'u". (f29)

1. O Iesu e malōlō ai mafatiaga 'uma.
2. Fai le amiotonu e māmā ai lau amo.
3. E mamafa le amo, 'ona 'o le agasala.

4. **MO TUPULAGA TALAVOU** - ‘Aua le ola tu’inanau, auā e si’igatā ai lau amo.

AUKUSO

Aso Sa - Aukuso 6, 2017. (Faafouina)

Tusi Faitau: Ioane 13: 1 - 11

‘Autū: “Ia fai ma ‘auauna”. (Be a servant).

Matua: “Afai ‘ou te lē mulumulu ia te ‘oe, ‘e leai sou tofi fa’atasi ma A’u”. (f8)

1. Amata i lalo le ola ‘au’auna.
2. Ia tatou fēmulumulua’i.
3. Fa’avae i le Atua le ola ‘auauna.
4. **MO TUPULAGA TALAVOU** - ‘O le ‘auauna fa’amāoni e maua le tauī lelei.

Aso Sa - Aukuso 13, 2017

Tusi Faitau: 2 Korinito 10: 7 - 12

‘Autū: “Aua le ola fa’atusatusa”. (Do not compare others).

Matua: “...’a ‘o ‘i lātou, o lo’o fēfuafuaa’i lātou ia te ‘i lātou, ma fēfa’atusatusaa’i i lātou ia te ‘i lātou, e lē popoto i lātou”. (f12)

1. E tutusa tagata ‘uma i le Atua.
2. E lē fa’atusatusaina Iesu.
3. O le valea, le ola fa’atusatusa.
4. **MO TUPULAGA TALAVOU** - ‘Aua ‘e te manatu maualalo i lou uso.

Aso Sa - Aukuso 20, 2017

Tusi Faitau: Luka 16: 10 - 15

‘Autū: ‘Aua le fa’afiaamionu’. (Do not pretend to be righteous).

“Matua: “...o ‘outou ua fa’afiaamionu ‘outou i luma o tagata; a ua silafia e le Atua o ‘outou loto”. (f15)

1. Aua le ola fa’afoliga.

2. E ati le silafaga a le Atua i le loto.
3. O le amio, e tupu mai ‘i le loto.
4. **MO TUPULAGA TALAVOU** - Amio, i le amio fa’akeriso, o le faia lea o le amiotonu.

Aso Sa - Aukuso 27, 2017

Tusi Faitau: Fa’amasino 5: 19 - 23

‘Autū: “E fa’aalia i le lagi le mata’utia ‘o le Atua”. (Heaven reveals Gods greatness).

Matua: “Na lātou tau ma ‘au mai le lagi; na tau lava ma Sesera o fetu i ō latou ala”. (f20)

1. A ‘au le Ali’i ma ‘i tātou ‘o ai sē fa’asagatau mai?
2. O le Atua le ta’itai ‘au sili.
3. O le Atua lō tatou malu.
4. **MO TUPULAGA TALAVOU** - O Iesu le mālosi silisili ‘ese.

SETEMA

Aso Sa – Setema 3, 2017 - Talalelei (Faafouina)

Tusi Faitau: Roma 1: 1– 17

‘Autū: “Talalelei mo tagata ‘uma”. (Good News for everyone).

Matua: “Aua ou te le mā ‘i le tala lelei ia Keriso; ‘auā ‘o le mana lava lea ‘o le Atua ‘e ola ai ‘i lātou ‘uma o ē fa’atuatua, ‘e muamua le Iutaia atoa ma le ‘Eleni”. (f16)

1. O Keriso le Talalelei mo le lalolagi ‘uma.
2. Fa’aalia ia Keriso le Mana ‘o le Atua.
3. Fa’atuatua i le Talalelei ‘e ola ai.
4. **MO TUPULAGA TALAVOU** - ‘O le Talalelei e te maua ai le ola fiafia.

Aso Sa - Setema 10, 2017

Tusi Faitau: Galuega 1: 15 - 26

“Autū: “Fesili i le Atua e ala ‘i le tatalo”. (Ask God through prayer).

Matua: “Ua tatalo fo’i ‘i lātou ‘ua fa’apea atu, le Ali’i e, o Oe ‘o lē silafia loto ‘uma lava a tagata, ‘ia ‘e fa’ailoa mai po’o ai so lātou nei ua e filifilia”. (f24)

1. Tatalo ma le fa’atuatua e tali mai ai le Atua.
2. O lē sālī e maua e ia.
3. O le tagata Kerisiano e tatalo mo isi.
4. **MO TUPULAGA TALAVOU** - O ‘e feso’ota’i atu i le Atua i aso uma?

Aso Sa - Setema 17, 2017

Tusi Faitau: Fa’amasino 4:1-10

“Autū: “Aua le gaupule”. (Do not regret rules).

Matua: “Ona fai mai ai lea o Parako ia te ia, ‘afai ta te ō ma a’u, ‘ona ‘ou alu ai lea, ae ‘afai ta te lē ō ma a’u, ‘ou te lē alu”. (f8).

1. E vi’ia ‘e le Atua le tagata e lē gaupule.
2. O pule ‘uma lava e mai le Atua lea.
3. O le ala ‘i le pule, o le tautua.
4. **MO TUPULAGA TALAVOU** - ‘Onosa’i, ‘auā e fai fo’i ‘oe ma pule i le lumana’i.

Aso Sa – Setema 24, 2017

Tusi Faitau: Isaia 38: 1 - 8

“Autū: “E fa’afogaina ‘e le Atua le tatalo ma le loto ‘atoa”. (God will listen to those who pray wholeheartedly).

Matua: “Ona o’o mai ai lea ‘o le afioga a le Ali’i ia Isaia, ‘ua fa’apea mai, alu ia ‘inā ‘e fai atu ia Esekia, o lo’o fa’apea ‘ona fetalai mai le Ali’i le Atua o Tavita lou tamā. ‘Ua ‘ou fa’alogo i lau tatalo, ‘ua ‘ou iloa ou loimata, fa’auta

fō'i, 'ou te fa'aopoopo i aso o lou ola, o tausaga e sefulu ma le lima". (f4&5)

1. E manuia lou 'āiga i lau tatalo.
2. E manuia lou nu'u i lau tatalo.
3. E manuia nisi tagata i lau tatalo.
4. **MO TUPULAGA TALAVOU** - 'O fai le tatalo ma au māsanī?

OKETOPA

Aso Sa - Oketopa 1, 2017 (Faafouina)

Tusi Faitau: Sakaria 7: 8 - 14

'Autū: "E i'uvale le lē fa'alogo". (Not listening, ends up with nothing).

Matua: "A 'ua lātou lē mafafai ona 'aua'i mai ō latou taliga...". (11)

1. Fa'alogo 'e sili lea i le ga'o o le mamoe po'a.
2. Fa'alogo ma usita'i 'i le musumusuga a le Agaga Pa'ia.
3. E mālaia le tagata lē fa'alogo i le Atua.
4. **MO TUPULAGA TALAVOU** - Fa'alogo ma usita'i 'i mātua 'aemaise le Atua.

Aso Sa - Oketopa 8, 2017 – Lotu Tamaiti

Tusi Faitau: Salamo 34: 11 - 14

'Autū: "O le fānau 'o le tauī lea mai le Alii". (Children are a reward from God).

Matua: "Le fānau e, i'na ōmai ia; ma fa'alogologo maia ia te a'u". (f17)

1. A'oa'o le tama 'e tusa ma ona ala.
2. Aua ne'i mapu le a'oa'o atu.
3. O le a'oa'oīna 'o le fānau; 'o le galuega 'e tausoa faatasi.
4. **MO TUPULAGA TALAVOU** - O e iloa, o oe o le pele a Keriso

Aso Sa - Oketopa 15, 2017

Tusi Faitau: Roma 14: 13—23

'Autū: "Ia iloa taumafa o le Agaga". (Knows the spiritual food).

Matua: "Aua o le malo o le Atua, e lē o mea e ai, ma mea e inu; a'o le amiotonu, ma le filemu, ma le 'oli'oli i le Agaga Pa'ia". (f17)

1. E ola le Agaga i afioga a le Ali'i.
2. O Iesu 'o lo'o iai 'upu 'o le ola.
3. O le tino ma le toto o Iesu; o le meaai ma le meainu moni lea.
4. **MO TUPULAGA TALAVOU** - 'Aua le fa'amuamuaina mea'ai 'o le tino a'o mea'ai fa'aleagaga.

Aso Sa – Oketopa 22, 2017

Tusi Faitau: 1 Ioane 4:7-12

'Autū: "Ola feālofani". (Love one another).

Matua: "Le 'Au pelē e, 'afai 'ua fa'apea 'ona alofa mai 'o le Atua ia te 'i tātou, 'e tatau ai 'ona tātou feālofani ". (f11)

1. Finagalo le Atua, tātou te feālolofaa'i.
2. E iloa so'o moni, 'i le feālofani
3. O le alofa, 'e tupu mai ai le fealofani.
4. **MO TUPULAGA TALAVOU** - Ia fa'asalafa lou alofa i so'o se tagata.

Aso Sa - Oketopa 29, 2017.

Tusi Faitau: Hosea 6: 1 - 11

'Autū: "Ia fa'amāoni le alofa, 'ona nanea lea 'o le taulaga fai". (True love makes offering worthwhile).

Matua: "Auā 'o le alofa 'ou te loto i ai, 'ae lē 'o le taulaga; ia iloa fo'i le Atua e sili lea i lo'u manatu i taulaga mū". (f6)

1. E lē 'o le taulaga e māgalo ai lou lē alofa lenā e fai.

2. O le ola faitaulaga, o le tā tali atu lea i le taulaga togiola na faia e le Atua, ‘ona ‘o le tūnoa o lona alofa.
3. Ia ō gatasi le fai-aulaga ma le alofa.
4. **MO TUPULAGA TALAVOU** - ‘O ‘e iloa ‘ea le taulaga sili na saunia e Keriso ‘ona o lona alofa i le tagata agasala?

NOVEMA

Aso Sa – Novema 5, 2017 (Faafouina)

Tusi Faitau: Luka 9: 37 - 45

‘Autū: “Ua na ‘o Iesu le tali i so’o se fa’afitāuli”. (Jesus is the only answer of all problems).

Matua: “...’Ona vavao lea e Iesu le agaga leaga, ma ua fa’amalōlō i le tama”. (f42)

1. O Iesu le Fa’aola.
2. O Iesu le tali mana’o.
3. O Iesu le fōma’i.
4. **MO TUPULAGA TALAVOU** - O ‘e iloa o lo’o e mafatia fa’atasi ma le Ali’i Toetū i taimi o ou mafatiaga.

Aso Sa – Novema 12, 2017.

Tusi Faitau: Galuega 3: 11 - 16

‘Autū: “Ē ofoofogia le Atua”(God is so wonderful)

Matua: “..... Sema e, ‘outou na ‘Isaraelu e, se ā le mea tou te ofo ai i lenei mea?” (f12)

1. E silisili ‘ese le Atua
2. E ofoofogia le Atua
3. E fai vavega le Atua
4. **MO TUPULAGA TALAVOU** - O lau amio lelei e iloa ai foliga o le Atua o le ola.

Aso Sa – Novema 19, 2017.

Tusi Faitau: Faataoto 3: 1 - 12

'Autū: "O le Atua o le atamai". (God of wisdom).

Matua: "Ia e fa'atuatua i le Ali'i ma lou loto 'atoa, 'ae 'aau 'e te fa'alagolago lou atamai." (f5)

1. O le poto o le lalolagi, o le vale lea i le Atua.
2. O le mata'u i le Atua, o le poto sili lea.
3. E lelei le poto a'oa'oina 'ae 'aau le faia ma Atua.
4. **MO TUPULAGA TALAVOU** - E lelei le poto, 'ae leaga le fa'afiapoto

Aso Sa – Novema 26, 2017.

Tusi Faitau: Isaia 7: 10 - 16

'Autū: "Ua ia te 'i tātou le Atua". (God is with us).

Matua: ".....fa'auta, e tō le taupou ma fānau mai se tamatane; 'e te fa'aigoa fo'i ia te ia o 'Emanuelu". (f14)

1. O le Atua ua afio mai e mau fa'atasi ma le tagata.
2. O le Atua 'ua afio mai i le falepovi.
3. O le Atua o le filēmu.
4. **MO TUPULAGA TALAVOU** - E te maua mea lelei 'uma, pe 'a e talia Iesu i lou loto.

TESEMA

Aso Sa – Tesema 3, 2017. (Faafouina)

Tusi Faitau: Mika 5: 1 - 5

'Autū: "E lē fa'atauva'a Petele'ema". (Bethlehem is not inadequate).

Matua: "A'o 'oe Petele'ema Efarata, e itiiti 'oe i afe o Iuta, 'ae tupu mai ia te 'oe mo a'u, o lē fai ma faipule ia Isaraelu". (f2)

1. Aua le va'ai maulalo
2. E tupu mai i le fatu itiiti le la'au mafala.
3. E fa'aaoga 'e le Atua lo tā fa'atauva'a

4. MO TUPULAGA TALAVOU - 'E tāua 'Oe i le Atua

Aso Sa – Tesema 10, 2017.

Tusi Faitau: Isaia 9: 1 - 7

'Autū: "O le mālō o le Atua". (God's Kingdom).

Matua: "Auā 'ua fānau mai mo 'i tātou le tama, 'ua fānau mai mo 'i tātou le Atali'i e i lona ua le mālō". (f6)

1. E fa'alelagi le mālō 'o le Atua.
2. O le pule fa'atupu a le Atua.
3. Ua iloa manino ia Iesu natura o le mālō o le Atua.
4. **MO TUPULAGA TALAVOU** - 'Ia fai 'oe ma suli moni o le mālō o le Atua.

Aso Sa – Tesema 17, 2017.

Tusi Faitau: Luka 2: 26 - 34

'Autū: "O Iesu le Fa'aolataga". (Jesus is the Salvation).

Matua: "Fa'auta, 'o le a tō 'oe, 'e te fānauina se tamatane, 'e te fa'aigoa ia te ia 'o Iesu". (31)

1. Ua folafola mai le Fa'aolataga
2. O le Atua ua liutino tagata
3. O Iesu, le tama o le folafolaga.
4. **MO TUPULAGA TALAVOU** - Savali i a'oa'oga a Iesu.

Aso Sa – Tesema 24, 2017.

Tusi Faitau: Luka 2: 46 - 56

'Autū: "O le agaga fa'afetai". (The spirit of thanksgiving).

Matua: "Ona fai a'e lea o Maria, ua vivi 'i atu lo'u loto i le Ali'i, ua 'oli'oli fo 'i lo'u agaga i le Atua lo'u fa'aola". (f46, 47)

1. O ai a'u nei?
2. O Maria le tinā pa'ia.
3. Ia iloa ona vivi'i, ona o le amanaiaina

4. **MO TUPULAGA TALAVOU** - ‘O ‘ē iloa le amana’iaina o
‘Oe e le Atua?

Aso Sa – Tesema 31, 2017.

Tusi Faitau: Mataio 2: 1 - 12

‘Autū: “O le Tupu o Tupu ma le Ali’i o Ali’i”.(King of king and Lord of Lord).

Matua: “... Po’o fea o iai lē ‘ua fānau mai o le Tupu o tagata Iutaia”. (f2)

1. Iesu, o le tupu o le lalolagi uma.
2. Iesu, o le tupu o le Ola.
3. Iesu, o le tupu o le fīlēmū.
4. Mo Tupulaga - ‘O ai le tupu lenā e te auauna i ai?